

# 寧可信其有，不可信其無

作者: 風緣

Powered by [紙言](#)

# 不平凡的開端

我叫林允風，啱啱踏入二十歲，係一個好中2睇鬼故同鬼戲嘅人，細細個好相信有鬼，但一直都遇唔到就慢慢變到唔信。。。啲人成日都話放負嘅人好易撞鬼，我又真係無試過，明明我就係一個好放負嘅人！

"呼呼呼"

風輕輕咁拍打住我塊面。。。真係好正。秋天嘅時候夜晚去海邊感受下海風係全世界最幸福嘅事。  
我望住  
一望無際嘅海諗緊我究竟應該點先可以成為一個成功嘅人，而家嘅我唔好話要成功，連生活都成問題。

「啊！啊！啊！」我對住個大海不停咁呐喊。。。我真係好大壓力。試問係呢個世界又有邊個無壓力？

終於叫咗成分鐘，把聲都沙晒，終於肯停，轉身準備上車揸返市區。

就係我準備開車嘅時候，「轟！轟！轟！」嘩。。。咩聲黎，我坐咗係架車度左望右望，唔通就黎落雨？快啲開車閃人先，我呢啲技術未係好到家嘅人落雨濕濕好易累人又累己。

於是，我就即刻開車走人。我中2去戈個海係要經過個山先到，所以我出返去都要行返山路走。

"Oh。。。愛你沒差 那一點時差~" 撷車又點會少得播歌呢？

大概過咗十分鐘後，嘩。。。明明平時呢條路無咁耐架。我時速都係行緊60架喎！唔通我發呆發到行錯路都唔知？咁唯有慢慢搵返條路出去啦！

"有人搵你，有人搵你" 嗯。呢個係我電話鈴聲

「喂？你好。。。」平時聽電話開場對白都係咁。

「沙沙沙。。。」

「喂？你係邊個啊？」

「喂！你仲唔返屋企？幾點啊？」電話另一邊傳黎我娘親嘅聲。。。嘩！點解突然間又出返市區嘅？我唔係發呆發到咁啊？

「阿娘？我而家揸緊車返黎啦！」

「嗯。係啦！今日仲係七月節你仲去到咁夜先返。。。快啲返啦！」

「知道啦！」係嗰。。。今日仲係七月節喎！

出咗市區後先發現原來已經係凌晨一點三十分，望住條街人都唔多個。。。的士都無部  
突然間有個婆婆出黎截停我部車。。。我即刻剎制！

「婆婆。。。你咁好危。。。」我伸緊個頭出去同婆婆講。

嘩。。。個婆婆呢？

未完，待續。。。



# 藍裙女人？

個婆婆究竟去咗邊？明明只係得個兩秒...  
出咗市區後，我用咗大概十分鐘返到屋企。。。

「阿娘，我返黎啦！」放低鎖匙係鞋櫃就步行入屋啦  
「快啲沖涼訓啦！七月節太晏訓都唔好！」娘親係房嗌出黎同我講  
「知道啦！」好啦...咁我快啲去沖涼再訓覺啦

嘟。。。原來已經兩點幾架啦...搞乜搞到咁耐先返到  
沖完涼咁三點入到房  
一路睇IG一路諗“個婆婆。。。嘟！唔係喎...而家七月節，唔通...”  
諗到呢度即刻心寒...  
蓋被蓋過頭訓個覺算啦...愈諗愈恐怖

哇...好急尿！我相信好多人都會突然急尿急醒咗  
我即刻彈起身去廁所屙尿  
“硬係覺得怪怪地咁...有啲咩怪呢？”一路屙一路諗...  
“我啱好似無熄燈...起身個時熄咗燈噃？”  
超...阿娘黎熄咗燈啫！諗咁多無謂嘢做乜？呢個世界邊有鬼....

諗到呢度我就成個安心返晒...洗手返房訓

“呼~~~~”眼角見到啲飛過

“唔通係眼屎？”隨即定咗定...捽一捽眼...

「說好的幸福呢？」耳邊傳黎一把女聲...好陰聲細氣咁講  
“唔係啊？真係撞邪？”  
「死仔！咁早起身做乜？」遠方傳黎娘親嘅聲音...  
我俾娘親嚇到成個彈起咗。  
「阿娘！你嚇鬼咩？你又做乜咁早起啊？」我反白眼對住娘親嘅背影講  
「我不瞓都咁早起身架啦！」娘親無好氣咁覆我...。

「喂！幾點啊？仲咁嘈講嘢！」娘親係房出黎同我講....  
阿娘係房，咁...  
「吓...阿娘，你啱啱唔係出咗黎係廳嘅咩？」我一面驚嚇咁問娘親  
「發夢啊你？我而家先俾你嘈醒咗...」  
我指住個廳...「咁我啱啱同緊邊個講嘢？」  
娘親一臉無奈咁望住我「你自己望過去睇下...邊有人啫？快啲訓啦！」講完呢句阿娘即刻啣埋房門，顯然係起床氣

“無理由架喎...啱先明明係娘親把聲....我仲望到佢著藍色睡裙架

「哈哈哈哈....」隨即我就聽到把好陰嘅笑聲....

未完....待續~